

ԲԱԳՐԱՏՅԱՆ Բ. Ս.

Պառլամենտը պետական իշխանության բարձրագույն ներկայացուցչական և օրենսդիր մարմին է: «Պառլամենտ» եզրույթը բնորոշվում է որպես բազմանդամ կազմ ունեցող ընտրովի մարմին, որն ինքնուրույն է իշխանության մյուս մարմինների նկատմամբ, և որի անդամներն ունեն հավասար կարգավիճակ¹:

Պառլամենտի ինստիտուտի կայացումը շատ երկրներում տեղի է ունեցել XIX դարում: Օրինակ՝ Ֆրանսիայում այն վերջնական հաստատվեց XIX դարի 70-ական թթ.: XIX դարի վերջին քառորդում նույնը տեղի ունեցավ Գերմանիայում, Շվեյցարիայում, Իսպանիայում, Պորտուգալիայում, Իտալիայում, Ավստրո-Հունգարիայում, Բելգիայում: Երկրորդ համաշխարհային պատերազմի ավարտից հետո պառլամենտի ինստիտուտը կարիք ուներ վերակազմավորման ու ամրակայման, ուստի մի շարք երկրներում, օրինակ՝ Գերմանիայում, ներմուծվում է կառավարության հրաժարականի այնպիսի մեխանիզմ, երբ անվստահություն հայտնելու դեպքում կառավարությունը հրաժարական էր տալիս միայն նոր կազմը հաստատելուց հետո:

Ռուսաստանում պառլամենտի ինստիտուտի երևույթը ի հայտ եկավ 1906-1907 թթ. և կապված էր Պետական դումայի գործառության հետ: Այդ համակարգը իշխանության եկած բոլշևիկների կուսակցությունը դիտարկում էր որպես «բուրժուական ժողովրդավարության» դրսևորում և շուտով դուրս մղվեց պետական կառավարման համակարգից: Այն սկսեց գործառվել միայն Խորհրդային Միության փլուզման ժամանակաշրջանից՝ 1990-ական թվականներից, և դիտարկվեց ոչ միայն որպես կառավարման պառլամենտական ձև, այլև որպես անկախ, օրենսդիր իշխանության գործառության համակարգ: Հետխորհրդային անկախ պետականության ստեղծման այս փուլին էր շուտով հաջորդեց նախագահական կառավարման ձևը²:

Հայաստանի Հանրապետության հետխորհրդային պետականաշինության ընթացքը նույնպես հանգեցնում է պետական իշխանության եռամաս տարանջատման՝ ըստ «պառլամենտ-կառավարություն-դատարան» փոխկապված ու փոխադարձ հավասարակշռող պետական կառույցների:

¹ Зеленков М. Ю. Политология для юристов, М., 2000, с. 60-61.

² Гранкин И. В. Парламент в России, М., 1999, с. 21-29.

Պատվամենտի ինստիտուտը պետականաշինության այնպիսի համակարգ է, որը բնութագրվում է օրենսդիր և գործադիր գործառնությունների հստակ տարբերակումով՝ օրենսդիր մարմնի՝ ի դեմս պատվամենտի, մյուս պետական մարմինների նկատմամբ առաջնահերթության սկզբունքով³։ Ընդհանուր առմամբ, այս ինստիտուտը ներկայանում է երեք հիմնարար սկզբունքներով՝

➤ Ներկայացուցչական մարմնի՝ պատվամենտի կենտրոնական դիրքն արտահայտվում է պետության ներքին և արտաքին քաղաքականության ուղենշման մեջ։

➤ Կառավարությունը ձևավորվում է ղեկավարող քաղաքական կուսակցության կամ կոալիցիայի միջոցով, որը պատվամենտում կազմում է մեծամասնություն։

➤ Կառավարությունը պատասխանատվություն է կրում պատվամենտի առջև։ Կառավարության անբավարար գործունեության պարագայում պատվամենտը կարող է անվստահություն հայտնել ամբողջ կառավարությանը կամ որևէ նախարարի և պահանջել նրա հրաժարականը⁴։

Հայաստանի Հանրապետությունում պատվամենտի գործունեության հիմնարար սկզբունքներն ամրագրված են 1995 թ. ընդունված Սահմանադրության մեջ, որոնք որոշակի փոփոխությունների են ենթարկվել 2005 թ. սահմանադրական բարեփոխումներից հետո⁵։

ՀՀ Սահմանադրությունում ամրագրված են պատվամենտի հիմնական լիազորությունները, որոնք կազմում են պատվամենտի սահմանադրական կարգավիճակի հիմքը և նպաստում պատվամենտական ժողովրդավարության հաստատմանը, պատվամենտի ինստիտուտի ամրապնդմանը։

Հ. Հակոբյանը փաստում է ՀՀ պատվամենտի սահմանադրական կարգավիճակի հետևյալ կետերը.

1. այն առավելություն չունի իշխանության մյուս թերի նկատմամբ, պատվամենտն իշխանության մի մասն է, գործում է անկախ և իրականացնում սահմանադրորեն ամրագրված իր գործառնությունները՝ օրենսդրական լիազորությունները.

2. չի կարող պետությանը, հասարակությանը վերաբերող որևէ հարց քննարկել և որոշում կայացնել.

3. վերահսկողություն է իրականացնում կառավարության նկատմամբ և որոշակի առումով հակակշիռ դառնում նրան.

³ Общая и прикладная политология: учебное пособие /Под ред. В. И. Жукова, Б. И. Краснова, М., 1997, с. 33-42.

⁴ Паречина С. Г. Теории государственной власти, М., 2002, с. 6.

⁵ ՀՀ Սահմանադրություն, 62-84 հոդվածներ։

4. ընտրությունների միջոցով ձևավորված, մշտական գործող, պրոֆեսիոնալ մարմին է⁶:

Հեղինակը իրավամբ նշում է, որ պառլամենտը գործող ինստիտուտ է դառնում, եթե օրենքների ընդունման բացառիկ իրավունքը պատկանում է պառլամենտին, եթե այն ձևավորում է կառավարություն կամ մասնակցում վարչապետի նշանակմանը, եթե կառավարությունը սահմանադրական, քաղաքական պատասխանատվություն է կրում պառլամենտի առջև: Այն, որպես համակարգ, լիովին կարող է գործել, եթե իշխանությունների տարանջատման սկզբունքի հիման վրա հավասարակշռության և հակակշիռների կառուցակարգերի պայմաններում համաչափ գործում են իշխանության երեք ճյուղերը⁷:

Պառլամենտն իր գործառույթների իրագործման նպատակով լիազորվում է անհրաժեշտ իրավասություններով: Ըստ այդմ՝ պառլամենտները կարելի է բաժանել երեք խմբի.

1. Բացարձակ որոշակի իրավասություն ունեցող պառլամենտներ. բնութագրական են դաշնային և ապակենտրոնացված ունիտար պետությունների համար: Այդ պետություններում կենտրոնական իշխանությունը սահմանադրորեն սահմանափակված է դաշնության սուբյեկտների իրավունքներով: Նման օրինակներ են ԱՄՆ-ի, Ֆրանսիայի և Բուսանիայի պառլամենտները:

2. Բացարձակ անորոշ իրավասություն ունեցող պառլամենտ-ներ, որոնք իրավունք ունեն օրենքներ ընդունելու ցանկացած հարցի շուրջ: Այս խմբի լավագույն օրինակն է Մեծ Բրիտանիայի պառլամենտը: Դեռ XII դարում հաստատվել է Անգլիայի պառլամենտի գերակայության սկզբունքը՝ որպես բարձրագույն օրենսդիր մարմին: Պառլամենտն իրավունք ուներ ընդունելու կամ փոփոխելու ցանկացած օրենք, և իշխանության որևէ այլ մարմին չէր կարող չեղյալ համարել այն: Տվյալ խմբին են դասվում նաև Նոր Զելանդիայի, Ճապոնիայի, Բուլղարիայի և Իռլանդիայի պառլամենտները:

3. Համեմատաբար որոշակի իրավասություն ունեցող պառլամենտներ, որոնց իրավասությունների սահմանները ավելի ձկուն են: Այսպես՝ Շվեյցարիայի Սահմանադրությունը չի պարունակում պառլամենտի և կառավարության իրավասությունների հստակ տարանջատում: Սահմանադրության տարբեր հոդվածներ աննշան տարբերություններով նմանատիպ

⁶ Հակոբյան Հ., Պառլամենտը և պառլամենտարիզմը Հայաստանի Հանրապետությունում, Ե., 2007, էջ 48:

⁷ Նույն տեղում, էջ 67:

իրավասություններ են վերագրում թե՛ Դաշնային ժողովին, և թե՛ Դաշնային խորհրդին⁸:

Այժմ դիտարկենք պառլամենտների հիմնական իրավասությունները:

Օրենսդիր իրավասությունները պառլամենտների իրավասությունների հիմնական մասն են: Այդ իրավասությունների իրագործումը պառլամենտների գործունեության հիմքն են: Օրենսդիր իշխանությունն արտահայտվում է ներկայացուցչական մարմնի՝ պառլամենտի միջոցով: Պառլամենտի ինստիտուտի կայացման փուլում օրենսդիր իրավասության առկայությունը պետականաշինության հիմքն է, սակայն ներկայիս հասարակություններում պառլամենտին չի կարելի միանշանակ վերագրել օրենսդիր իշխանության գործառույթը, քանի որ երկրների գերակշռող մասը ցուցադրում է պառլամենտի գործունեության այնպիսի պատկեր, երբ չի պահպանվում օրինաստեղծ գործառույթի բացարձակ իրավունքը: Պառլամենտի բացառիկ իրավասություն է դիտարկվում օրինաստեղծ ակտերի ընդունումը: Այն կա՛մ գործառվում է պառլամենտին հատուկ իրավասությունների շնորհիվ, կա՛մ ուղղվում է նրան գործադիր իշխանության կողմից, ուստի այժմ դժվար է խոսել իշխանությունների բացարձակ բաժանման մասին⁹:

Ընդհանուր առմամբ, պառլամենտի՝ սահմանադրությամբ ամրագրված օրենսդիր իրավասություններն են՝

1. օրինաստեղծ նախաձեռնության իրավունքը.
2. օրինագծերի ընդունումը.
3. բյուջեի ընդունումը և այլ ֆինանսական իրավասություններ¹⁰:

Պառլամենտի վերահսկողական իրավասությունը սովորաբար վերաբերում է գործադիր իշխանությանը, սակայն կարող է տարածվել և դատական իշխանության կամ զինված ուժերի վրա¹¹: Գործադիր իշխանության վերահսկողությունը կրում է քաղաքական բնույթ, թեև իրագործվում է իրավաբանական լծակներով: Այլ խոսքով՝ պառլամենտի հիմնական վերահսկողության առարկան կառավարության քաղաքական գործունեությունն է¹²:

Այսպիսով, Սահմանադրությամբ, օրենքներով և իրավական այլ ակտերով ամրագրված են պետական իշխանության մարմինների գործունեության սկզբունքները, կազմակերպման ձևերը, փոխհարաբերությունները: Հ. Հակոբյանը առանձնահատուկ կարևորում է պետական իշխանության

⁸ Чиркин В. Е. Конституционное право зарубежных стран, М., 1997, с. 63-64.

⁹ Vile M. J. Constitutionalism and the Separation of Powers, Oxford, 1967, p. 31-36.

¹⁰ Чиркин В. Е., նշվ աշխ., էջ 71-73:

¹¹ Страшун Б. А. Конституционное (государственное) право зарубежных стран, М., 1997, с. 101.

¹² Նույն տեղում, էջ 111-112:

մարմինների կազմակերպման ձևերի և գործունեության սկզբունքների գիտատեսական վերլուծության ընթացքում երկրի զարգացման պատմական պայմանների, սոցիալ-տնտեսական զարգացման մակարդակի, մշակութային առանձնահատկությունների, ավանդույթների, սովորույթների, պառլամենտական գործունեության փորձի, ժողովրդավարության զարգացման աստիճանի և պառլամենտի ինստիտուտի կայացման ընթացքի ուսումնասիրումը¹³:

Յու. Դմիտրիևը և Ե. Չերկաշինը, խոսելով պառլամենտի զարգացման մասին, նույնպես մատնանշում են ավանդույթների կարևորությունը: Պատմական ավանդույթները քաղաքական մշակույթի մասն են: Դրանք մասնավորապես կապված են լինում պառլամենտարիզմի զարգացման առանձնահատկությունների հետ: Այլ խոսքով՝ երկրի օրենսդիր մարմնի կազմավորման և զարգացման որոշակի պայմանները ձևավորվում են պատմական որոշակի իրողությունների ազդեցության տակ և ամրակայվում են քաղաքական մշակույթի համալիր կառուցվածքում¹⁴:

Հ. Հակոբյանի համոզմամբ՝ պառլամենտի ինստիտուտը լուրջ ներկայացուցչական մարմնի առկայություն կամ օրինաստեղծ աշխատանքի տեխնոլոգիան չէ: Այն հասարակական փոխհամաձայնության մշակույթ է և ենթադրում է պառլամենտական ժողովրդավարության անհրաժեշտ և բավարար միջավայրի առկայություն: Պառլամենտի ինստիտուտն իր հերթին ներկայացնում է քաղաքական ուժերի իրավական, ժողովրդավարական փոխհարաբերությունների մի համակարգ, երբ առկա է օրինական ընտրություններով ձևավորված պառլամենտ, որտեղ թե՛ քաղաքական մեծամասնությունը և թե՛ քաղաքական փոքրամասնությունն օբյեկտիվ անհրաժեշտություն են և գործում են սահմանադրական հստակ իրաասությունների շրջանակում՝ իրականացնելով ժողովրդից պատվիրակված իշխանական լիազորություններ¹⁵:

Պառլամենտի ինստիտուտի իրավասությունների վերլուծությունը արժեքավորում է պետականաշինության զարգացման միտումների ուղենշման առումով՝ ապահովելու համար պետական կառավարման մարմինների կենսագործունեության ժամանակակից պահանջները:

¹³ Հակոբյան Հ., նշվ. աշխ., էջ 67:

¹⁴ Дмитриев Ю. О., Черкашин Е. Ю. Законодательные органы России от Новгородского вече до Федерального собрания (Сложный путь от патриархальной традиции к цивилизации), М., 1994, с. 58-64.

¹⁵ Հակոբյան Հ., նշվ. աշխ., էջ 68-69; Խաչատրյան Հ., Պառլամենտ և պատգամավոր, Ե., 1994, էջ 12-19

**ИНСТИТУТ ПАРЛАМЕНТА В ПРОЦЕССЕ СТАНОВЛЕНИЯ
ГОСУДАРСТВЕННОСТИ****БАГРАТЯН Б. С.****Резюме**

Во многих странах институт парламента окончательно сформировался в XIX в., в частности, во Франции (70-е годы XIX в.), в Германии, Швейцарии, Испании, Португалии, Италии и Бельгии (в последней четверти XIX в.). В России институт парламента был создан в 1906-1907 гг. в связи с функционированием Государственной думы. Постсоветский период становления армянской государственности привел к разделению государственной власти на тройственную систему – «парламент – правительство – суд», представляющую собой взаимосвязанные и сбалансированные государственные структуры. Институт парламента являет собой такую систему становления государственности, которая характеризуется принципом первоочередности законодательного органа–парламента, по отношению к другим государственным органам. Исследование политологических особенностей термина "парламент" и надлежащих правомочий института парламента имеет важное значение в процессе определения тенденций развития системы становления и обустройства государства для обеспечения современных требований жизнедеятельности государственных органов.

INSTITUTE OF PARLIAMENT IN THE PROCESS OF STATE-BUILDING**B. BAGRATYAN****Abstract**

Formation of the institute of parliament in many countries took place in the 19th century. For example, in France institute of parliament was finally established in 1870s. The same process took place in the last quarter of the 19th century in Germany, Switzerland, Spain, Portugal, Italy and Belgium. In Russia appearance of the institute of parliament was in 1906-1907 dealt with the functioning of State Duma. The post-soviet period of the Armenian state-building system led to the separation of powers as “Parliament, Executive and Judiciary” system in the capacity of the interconnected and balanced state structures. Institute of parliament is presented as a system of state-building, which is defined through the principle of legislature priority. The research of the political features of the term “parliament” and its competent authorities has an important meaning for the definition of state-building development trends and ensuring the contemporary requirements of state bodies activity.